

西平祠堂记

县城之石街口有室三楹 近麓公之兰台书屋也自明季圯壤仅存其址康熙元年壬寅春 匪石公復为竖造架屋三间奉师会鹭门结社其中盖仍不失书屋之遗意旋因徙宅居乡遂以此屋出赁收租 桐山公 匪石公 季莹公各有其一雍正十三年乙卯族众倡议建祠先以银若干购得桐山公房下一栋物力支绌未得兴工至乾隆二十五年庚辰族众量力捐费共得银若干復购季莹公房下一栋有一角未足匪石公房下自愿将基址捐出扩旧宇而定规模鸠工庀材坦墉梁栋坚厚丰硕丹阶碱鲜焕齐整非日美观以祖宗神灵之所栖托实实枚枚理宜如是且即谈经讲道之址为报本追远之区揭虔妥灵情事亦称经始于庚辰落成于辛巳共费银若干正寢之傍左为忠义祠右为节孝祠堦墀两翼为左右廊房后栋大小五间中为大厅正房二间前为书楼傍附房四间新增前报厅一间店房二间凡族中议事齐宿与夫藏祭器刑牲牢之所及井宠庖富莫不具备祠基

进身若干对坐若干墙基后抵常姓屋墙前抵官街左抵李姓屋墙右抵
劲亨公铺店祠成以十月肇举禋礼族众咸在肃肃雍雍数百年之待举
者于是乎始想祖宗之灵必有愿而辄然者矣或曰纠族建祠崇本溯源
是已而必倣谷村之制溯远祖于西平恐忠武之灵眷愿依违未必即享
于湘土且忠武王爵最尊也大夫不得祖于民则祀之法施于民则祀之
以劳定国则祀之能御大灾则祀之能捍大患则祀之西平王为唐室元
勋事亲以孝报国以忠御大灾捍大患功在一时泽流后世凡在东西南
朔戴发含齿之民皆当俎豆而尸祝之况忝息相承一脉而来之子若孙
愿以世远地睽之故反不得致其爱慕著存有是情哉且爵虽王犹人臣
也今若立轩辕之庙奉唐帝之主则谬矣妄矣他又何嫌为凡吾子姓亦
患诚意涣散耳苟能萃其诚敬则忠武王之灵可以享于谷村者即可享
于罗江而何不来格来歆哉宗祠之建前后垂百余年今即阅其成之不
易详著其颠末而并著所以奉忠武王之意以解不知者之惑是为记